



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 四九

鶴靜堂集十九卷 周茂源撰

陸吳州集不分卷 陸舜撰

膽餘軒集不分卷 孫光祀撰

一

二五七

二八七

雲間周宿來先生著

鶴靜堂集

天馬山房藏板

序

余方總角時周子鷹垂自其尊人括蒼郡屏舊余姊氏歸省外舍出其橐中詩就正於家大夫尹吾不稍休時余甫入家塾從事帖括藝不暇爲詩也又三四年釜山先生解組歸里門築室于山之麓絕意仕宦日餐雲蔭竹嘯傲自得詩古文愈益富余以周子故得時從長者游間吟一二短章先生輒欣賞諷詠指示坐客以爲大佳而家大夫方淬厲余兄弟不樂其耽玩聲韻故不獲竟學無何萊陽宋觀察荔裳先生

主序

爲怨家構落職買舴艋游江湖間先生與家大夫皆曩官京曹時舊友也因家五茸者半載每流連文酒握手歌呼余亦數追隨兩先生杖履側操翰鬪捷一時稱盛事尋觀察別去余亦偕周子僦裝應京兆試不數月先生竟以病不諱聞周子麻衣馳赤日中踰隄南返余不獲絮酒几筵爲嗟噓悵望者久之其明年冬觀察以奏計朝輦下道遭病閉戶不通客又以蜀土變亂妻孥幾百口隔絕於瞿塘灩澦萬里外遂沉憂以死今其所遺詩文竟不知尚存與否而先生

之詩以鷹垂能世其學故後先輝映而名益彰嗚呼
十年間老成凋謝聚散死生一至於此悲夫今年秋
周子復來京師既被放益豪於詩發其抑鬱磊落之
氣而余塵事鞅掌詩日落周子顧以余爲可與論詩
以先生集若干卷屬余序夫先生之詩循江河之行
地日月之經天固千載而不滅也何待於余言第序
其區區知己之感於不衰云爾

康熙辛酉季秋下浣同里年姪王鴻緒拜譔

王序二



鶴靜堂集卷之一

雲間周茂源宿來氏著 門人

吳家吳非棠
張世維水懷 校

五言古詩

湖上會彭燕又適袁若遺至同憩湖心亭

朱明既徂令涼颼來襲入旅食寡歡豫振轡出城闉
郊坰散遐矚行藥澄湖濱命侶探蘭若翛然同隱淪
有客聯騎至玉軾揚清塵遵渚偕歷覽放舟泛平津
林巒四面會澹澹曠無垠雲霞互晻曖樓觀懸空旻
鶴靜堂集 卷之一 五言古詩 一

洞沿賞未畢登臨興難馴輟棹憑水榭圓波起纖鱗
丹葩紛茜萼芳氣日夕親所志在寥廓嘯歌得其真
山水多幽蹟絃匏不復陳

園居詩

生年不滿百每爲婚宦牽胡不棄羈繼終得返自然
應龍豈長參高鳥亦戾天嘵嘵謝微祿耕我隴上田
田疇日以廣筋骨日以堅人生各有役戶樞常永年
結髮念儔侶無如沮溺賢

又

依山結吾廬茅茨不復剪灌木嘒玄蟬息陰有餘善
平坡來遠風啓牖睨層巘高臥忘百憂皇初自游衍
虛室張素琴竹肉徒婉變

又

褰裳問鄰叟種植隨土宜良苗一以槁葵霍匪療饑
哀我田家子口食病夏畦日暮聞輕雷時雨乃徧施
濕薪負數秉晨炊常苦遲

又

東籬有繁英采之不盈匊濁酒盛滿罍攜手招隣曲

鶴靜堂集

卷之一 五言古詩

二

爾汝相和歌先民無禮俗雞豚散平原密蔭交桑竹
荷鋤經術阡閉戶寡微逐我慕榮啓期一飲善自足

又

屢空常晏如余懷豈杼軸生計事耘鋤或不辨種莖
輪鞅終歲稀誰知寒與燠書策自紛紜聊取娛我目
陋彼南山歌飯牛何刺促

同郡五君咏

董尚書玄宰

宗伯揚清輝德劭身亦固微言洞元始雲物麗丹雘

龍見無常儀鳳舉有恒度乘石匪足榮千齡寶綠素
陳徵君仲醇

徵君達者流早歲謝塵鞅東菑協耦耕束帛非所尚
雅抱敦薄夫清言亦沆瀣磊磊白石間海山存逸響

夏考功瓊公

夏子執亮節榮名善自保舉身赴清澗大勇存懷抱
虛室有遺經揚烏乃速歿我行崑山陰西州起悲悼

陳黃門臥子

黃門好奇計文采爲國琛骨鯁終見棄離憂思難任

鶴靜堂集

卷之一 五言古詩

三

精衛窮木石衝波一何深九京不可作同懷愧華簪

李舍人舒章

李生乃數奇途窮每瞻顧蕭騷梁父吟躑躅金門步
飄然返故丘悲鳴戀儔伍吹簷良有因稅覓更何慕

淮上別劉何實

載贄同出門得爲比舍郎自分膠漆固羽翮俱飛揚
豈意丁荼苦參辰不相望今我適京輦子方還故鄉
艤舟淮水湄薄暮登君堂華燈爛明燭嘉羞載圓方
旨酒諒無筭憂來不能嘗涼秋霜露降艸木多隕黃

朔風被中墊飛鴻正南翔之子戒我行河流日湯湯
寧復憚于役所慎在行藏我生守貞信鼠憂心內傷
杖杜生道左特立以傍徨願子崇今德終然謨廟廊

輓成環洲先生

夙昔旅河朔蒲城久遨遊此方盛冠蓋高門無與儔
豐貂交玉檠鳴鑣動華輶光風拂蘭席白日麗朱樓
夫子懷直諒文采重天球當代貴名德作牧古雍州
如京奉珪幣弭節歸林丘伊予忝賓從幸舍頻淹留
維時凜冬暮兵革充道周空廬眇天末征塗嘆阻修

鶴靜堂集

卷之一 五言古詩

四

酌我金罍酒被以青豸裘冰雪明庭雷觴詠耿不休
子姓四五人升堂樂唱酬翩翩同游彥託乘擬應劉
射獵時間作躍馬出長楸一發殪蒼兕雨血殷錦鞬
少年爭決拾髮鏖見老謀迢遙千里別荏苒歷數秋
策杖多暇豫懸車更夷猶三歲字不減贈言在息陬
如何龍蛇厄帝鄉不少留芝幃紛翠葆六驥間駟蚪
梁木興悲慟欲往道無由我行大河湄執掌日慮囚
鐵矢不踰竟心痾終莫瘳涼颼振中墊河水逝悠悠
生芻寄行李涕泗縱橫流

開封太守朱石者修學宮三十韵

有明叔葉時中原寇雲擾重圍困大梁四鄰不復保
敵人灌吾城壞城以爲沼黃河水滔天蕩析無昏曉
都市龜鼉游名藩喪其實立國重賴宮講藝尊王道
俎豆古聖賢登堂深窈窕世否丁陸沉廟貌莫從攷
皇輿式開新克孽迅若掃華路初奠寧占星乃樹
表河壖總混茫千雉如烟島百官勤五遷割壤列旗
旄守郡號專城孑然候空堡亦有二三人褰裳來獨
早賢者亢土居維憂以用老時或見狂且食鴈翻得

鶴靜堂集

卷之一 五言古詩

五

飽十稔八九荒徧墊皆荼蓼况乃澗太平文明觀再
肇太守南州英行道舒夙抱澹災既有成鴻業靡弗
紹天下宗素王日月麗晴昊仁義迪遠謨遊梁功不
小卽事感廢興布著獲嘉兆詎需水衡錢屬植咸堅
好丹碧耀崇阿瑜石爲綵繞左圖泰山雲右壁圖靈
鳥伐鼓鏗華鐘禮樂殺豐鎬一如東魯侯允文采芹
藻艸昧藉經綸詩書啓渾灝黼黻諒有餘作人虞壽
考

憂旱詩

炎曦揚烈威畢曜違南陸雨澤匱兼旬融風摧卉木
枯鱗出重淵大火病雲族林麓無良疇凶旱歲相屬
農人敢憚勞寄生賴種桂桔槔智已窮口食安可卜
厲魃儼在郊羣龍尚潛伏天漢嘗昭回誰能愛牲玉

又

伊余秉誠信疾止日告虔百神靡弗舉符籙陳廣筵
僂童舞間作伐鼓聲闐闐未明三盥沐旦出周國鄺
軒車久不御劍騎咸舍旃吳蒼胡匪鑒曷疏山下泉
陽岡既焚灼陰隲亦赫燁仰媿灌壇令俯憂乾封年

鶴靜堂集

卷之一 五言古詩

六

蘄州盧氏殉難始末

伊昔蘄黃間冠禍最慘烈官兵爲先驅貪冒同饕餮
賊從上游來萬竈化魚鱉盧公偉丈夫嬰城誓死節
賊衆如蟻附交衢徧流血骨肉相因依一朝半屠滅
公當瀕死餘拒賊氣勇決登陴勗健兒瞋目皆爲裂
巖關倏焉摧鏃矢亦告竭逢掖長賤貧與城共存沒
長公聞道歸遺骸裹衰絰負土瘞舊阡殉難叙始末
或死或竄亡歷數多嗚咽烈婦楊與袁大義明霜雪
楊爲紱也妻紱去成永別自投燎火中珠胎竝燔焚

袁也歸震初堅貞儼積鐵從容拜姑嫜溺井求蠲潔
漆簡與丹旌采風宜首列夫何金鏡淪幽光殊未徹
純孝揚令名孤忠欽曩哲况乃黃鵠操挺然不可折
庶幾楚荷相紀美無遺缺援筆愧如椽奚庸表碑碣

冬夜過董律始山居與顧東籬同飲

高春發青溪曉際離東郭鼓柁遵細林川塗漸冥漠
巖洞餘夕暉山樓隱丹堊巽巽白石峯棲遯彌可樂
董生宅其中文史富述作所期鹿門耕寧數子雲閣
絕壁懸流泉平沙立鳴鶴我來良夜徂園林氣蕭索

鶴靜堂集

卷之一 五言古詩

七

高天隕微霜涼風動簾幕主人西鄰歸造次具杯酌
坐有東籬子墊服甘澹落抗論多欬歔百觚恣善謔
明月下南榮雞鳴聲唧唧相送出衡門招隱詎虛諾
埋照全天年聊以謝浮薄

憶仙都舊遊作

彌歲隸棘林一麾守山谷幸與雲霞親匪期升斗祿
南明暨括蒼洞天盈我目名勝首仙都千峯麗遐矚
丹竈金蓮華軒皇受圖錄馳驚四五年登臨苦未足
去歲度縉雲勞人謝微逐茂宰真逸才留我車前轂

駕言仙都遊，除道飭林麓。川漲值秋霖，危梁幾斷續。
徒御褰裳行，狎視等平陸。捫葛循懸崖，前後趾相屬。
遂踰仙榜巖，嵐翠襲輕縠。忘歸洞杳冥，鍾乳滋石屋。
嗟哉閩湖峯，童子及其腹。記云：童子峯，及閩湖之半。古碑篆籀文，
綢繆苔蘚綠。絳霄吐芙蓉，列嶂紛攢簇。石髮翳靈葩，
厥根蟠地軸。鐵峽隱重關，煦然紫灌木。上聞好鳥鳴，
其下擾琴鹿。濟勝固有餘，搜奇難殫錄。放溜改回塗，
飛舸抵一蹴。孤岑媚夕陽，婉孌澄江曲。張席進羽觴，
停撓舉華燭。不醉且無歸，娛耳非絲竹。今我徒臥遊，
鶴靜堂集

卷之一 五言古詩 人

斯遊安可續

輓壽王弟

我昔方弱冠，汝生甫四年。兩昆弦誦暇，攜汝戲我前。
目如巖下電，欲度驂騑先。英物必蚤慧，胡陵多後賢。
如何丁未造，家室屢播遷。父兄相繼歿，薄殖同逝川。
扣角歌白石，帶經犁墓田。擬上河清頌，耻作封禪篇。
雄心驚千里，六翮期高鶩。杖策歷江表，長佩驚四筵。
肯酒共娛樂，賦詩孰比肩。栖栖倦行役，利器韜龍淵。
奇才終見弃，嘆屈甘林泉。衰宗絕令望，短折命在天。

鵬鳥一朝降，美人不少延。季弟泣告我，形影私自憐。
孤兒水成立，埋骨猶茫然。著書乃夙尚，所蓄存遺編。
亡琴一以慟，春艸徒纏綿。

東陽道中紀行

結軫吳山麓，方舟越江潯。洞沿易素舸，言適會稽陰。
陂塘既四溢，霖雨猶蒸淫。羣峯正蒙曖，蕭寺淹及旬。
夜涼識天霽，晨炊起問津。暨陽乍歷險，乃與烏傷鄰。
憑軾東陽郡，悅茲土風淳。縉雲眇天際，惡溪費招尋。
既輕千里役，登涉豈憚頻。緣流遵宿莽，捨筏驚平林。
鶴靜堂集

卷之一 五言古詩 九

舟行適永嘉卽事

鳬鷺聚汀沚，麇鹿擾丘岑。薄採巖下桂，偶聽松間琴。
卽事多暇豫，曠然懷道真。僕夫勿告瘁，山水怡我心。
南郭遵丘阿，揚舲發江渚。稍見版築興，津塗鮮師旅。
余榜指東甌，離悰變寒暑。茲焉屆蕭辰，騷怨多遺緒。
未逢故所歡，有懷不得語。長流邁飛湍，列嶽難延佇。
曉與石門期，凌旦達孤嶼。夕靄蕩餘暉，朝霞綯平楚。
山川可娛人，靈籟如律呂。旣饒濟勝姿，閱覽慕儔侶。
安得邁同心，樂與共爾汝。所思勞潮洞，聊復自容與。

懷方邵邨侍御

相違爽鳩署人事多迤邐音徽一再及示我零雨篇
側聽西臺薦嘉謨庶勉旃胡爲復遺罔百日竄窮邊
飛蓬轉萬里搖落難久全褰裳度遼水北嚮憂茫然
黃沙蔽白日暑路常水堅汝兄吾兄事鬢髮皆已宣
汝親吾父行傷哉及暮年徬徨形夢寐中道恐棄捐
肆赦一朝降死生信在天驅車入關塞骨肉相周旋
田廬既蕪沒江淮且播遷交遊半凋謝逝者如流泉
竭來南屏麓浩渺觀山川遊戲弄柔翰擿凡生雲烟

鶴靜堂集

卷之一

五言古詩

一

詩侯競銓穀劍驕何窮伊余泣岐路會面期屢愆
君子不終困躍龍方在淵今名亮益顯勿爲人所憐
登郭公山覽甌城言懷

伊昔郭景純東甌表仙籍肇域起高墉沉謀來相宅
白鹿爰効靈神龜乃食墨雲物久和寧封守無凶慝
顏謝富文辭颺流二千石邦人工誦詩哲又喜潛逸
水木自清芬怡愉貴所適嗟哉違令辰肩摩已衰息
隼嶺張路隅騎士何克斥十厘八九空芻蕘倦俱億
大師稱維垣夸毗誠民賊人牧良愼旃無然忘憐惻

苦寒

我行適南服絺綌生微涼山川倦遊覽艸木多損黃
商飈一以至莎雞鳴我床弭策且延佇踟蹰殊未遑
誰云甌土燠重續無嚴裝堅冰旣已合寧獨驚履霜
薄帷障虎館墮戶鮮閉藏中夜不成寐攬衣起徬徨
遊子倦行役歲晏思故鄉雖復羣動息萬籟增感傷
噉噉雲中鴈天風吹枯桑

題李生風木庵

李生一豎子履孝翼頽綱鮮民負至痛哀毀終執喪

鶴靜堂集

卷之一

五言古詩

士

真火忽見及焚巢載罹殃九死赴烈焰木主出宗枋
抱之奔中埜雨泣摧肝腸裂麻褫雞骨埜廬宿墓旁
炊烟日一舉魚菽慰烝嘗甘露降林岫白鳩爲翱翔
我哀李生志風水題空堂伊予喪怙恃窀穸愧厚藏
宦遊踰一紀松楸未成行誓墓及衰老殷憂念繁霜
斯人不可泯南陔詩未亡

懷韓叔夜

韓子梁園客文采艷春華去家三千里作吏東海涯
民窮憂井稅寇至攻我瑕行間累宣索瑣雜如亂麻

日出趨軍壘嚴更未散衙椎牛供饗士劍舞喧鳴笳
退食無一飽呵誚橫相加棄官望鄉井留滯越山嶺
客久衣裳單家貧爨烟冷相過浙水湄相憐如形影
念爾北渡河寒冬朔風猛馬箠手自操僕夫泥沒脛
村里慰藉多撫襟發深省委質許致身得歸實厚幸
故鄉十載餘稍無風塵警身閒理荒疇負郭存二頃
懷趙錦帆

吳越多秀民麗藻矜奇服趙子起中原雋望激頽俗
黃河流湯湯崧嶽巨地軸負質良高深雄文光四國

鶴靜堂集

卷之一 五言古詩

三

鷄鶩戾雲衢驥驥騁逸足昔同秋官郎大義互敦勗
懷才具棟梁寧苟受微祿十稔相睽離年華一何速
仕路浩無津輪轅各傾覆客從河朔來念子亂心曲
操瑟遠新歡投壁罹再辱罷官歸田廬應門鮮僮僕
蔽體僅褐衣所有皆樸遯堂上白髮親暱勉進梁肉
時作嬰兒嬉蘭茝亦芬馥貧賤有餘榮躬耕復還讀
著書俟千秋璿珠媚幽谷

漁棚廟江干眺望

步出北辰門爰憩漁棚廟請言廟所興其事甚微與

鶴靜堂集

卷之一 五言古詩

三

仙槎天表來榮光浮海嶠漁人警夙靈鑄金崇像教
採珠並伐蛟揚颿出荒微忠信歷危瀾歸航亟祈報
所以郡郭隈巋然存廟貌戊戌六月間賊人三匝繞
舉烽先自焚廟毀隨原燎雖作牧馬塲諸將遄汎埽
稽顙祀明神戈舡或徵調聚沙啓弘圖磨甗速速效
繡礎及雕楹踵事倍華耀攜手偕良朋觚爵助登眺
廟門俯江濤羣山皆窈窕莞席布瑤階雲烟紛浩浩
引睇有奇懷觴行縱諧笑夾右羅浮青中流孤嶼峭
麗矚良在茲遊者未前導一鳥橫空江千林返夕照
悼王篤菴

悼王篤菴

曩余滯山谷煩辱難具陳雖復影纓客役與興臺均
荒壤狃卑鄙幽栖鮮俊民偃仰負夙好微吟采江蘋
友邦邇颺越我邁多雅馴斯文逸千紀時哲揚清塵
亦有瑯琊彦才美信軼倫席寵居華闕升堂嚴雜賓
覃思味六籍摛藻謀古人勞歌一再發因風達東隣
伊人亟賞激道契疑有神薄遊自今始弭楫蜃川濱
剛開二三子著書恒苦貧調饑懷彼美未嘗接素茵

願言見顏色宿草非一春臨絕有遺詠埋玉還其真
知已竟下世痛若平生親

賦得夾竹桃

亭亭一叢竹緋桃互縈紆竹色清可悅桃枝媚有餘
交柯結不解花葉相乘除在物有連理人生反不如
嚶鳴慕儔匹杖杜悲單虛結交期白首松栢諒不渝
一旦荅華改飄萍與之俱君子遠行役各在天一隅
彼美不我卽同心而離居

所見

鶴靜堂集

卷之一 五言古詩

高

降人到城下乘坐官家馬倒執黃金鞭容顏如渥赭
葡萄錦作襦休沐歸華厦將吏供張虔璽綬忘其假
萬開來憲副去甌歸上黨六年所詩以奉懷

萬公夫人委樹續謀不朽舊勲多虎臣拒鬯錫二直
高咏水部詩從容佩瓊玖賤子列秋曹橐筆勤趨走
躍馬遊上京時躡清塵後熊幡蒞海邦隸屬巖疆守
艱危應戎機視同左右手內訌寇方張蹶越登陴久
萬衆恃一心智勇皆深厚非獨完吾師誓將殄小醜
東藩課閒田司土失稅畝前謨諒無愆誰執護間口

釋甲遂西歸荷鋤耕隴首上黨天爲隣星辰垂戶牖
烟駕或往來長謝朱軒友鼓琴以自娛埋照惟飲酒
我欲從之遊履素信無咎憂心日忡忡關河阻林阜

山郭春雨見新柳

總轡出城闌婉孌釋山麓迤邐適南臯延覽清川曲
山農守原疇靈雨祈霖霖絕壑流水漸鳴泉響哀玉
林薄霏朝烟枯莢微已綠楊柳多傷悲遊子思邦族
周道行倭遲飭裝理春服毋爲懷土深且復散遐矚

登洞天巖

鶴靜堂集

卷之一 五言古詩

古

重陰蔽軒墀山翠徒晻靄岑寂空王居未始踰闕外
葯房覲晨曦沙汭豁幽昧司牧萃百憂一朝爲解帶
邀我洞天巖遊觀弄烟瀼聯騎出中逵方舟沿淺瀨
徐步廣隰間卉木麗如繪稍陟陽林阿修柯蔭松檜
曲磴踐危崖蓮峯儼相對陵苕鬱青蔥石髮明紺黛
倒景凌太虛飛泉想清籟茲山終不移逝者閔人代
情以觀化超道惟賞心會雖驚物候殊聊復慰行邁

贈清江楊仁叔

維舟蕭水湄閣山日云暮策足城東闕高樓臨大路

借問誰氏居西州悲太傅主人揖我前假館道情慄
執義追先公冠劍興哀慕伊昔邁閔初羣克擾天步
抗論登雲臺射隼絕回互終當効灰綬砥節凜衰祚
賁身諒不移覆巢豈再顧子生方六齡視息危朝露
乍離保母懷忽作廝傭務擔薪及斧氷艸衣無尺布
九歲客虔州姓名得自訴口食相因依聊復求章句
浩蕩感殊恩日月無永綢繆匍歸敝廬親串皆非故
遺書既散亡存者亦朽蠹讀之涕滂沱憂傷信孔痡
譬如孤生桐不植將自什時懼猛虎吟敢作大人賦

鶴靜堂集

卷之一 五言古詩

七

我嘗適四方存往多愴寤陷患獨履貞楊子乃僅遇
與陳伯璣

有美南州英翩翩陳公子四國揚令名賦詩實清綺
我今適西遊言訪磨鏡里披帷宛在斯良醜從茲始
十年屢播遷所保惟圖史室無長物存蕭然絕紛靡
品騰橫古今鉛黃日盈几力追正始音閱覽歸一旨
匪特慰調饑聞樂歎觀止

望廬山瀑布

孟冬天氣涼弭擢湖陰夕弱草欺清霜寒洲陽鳥宅

凌旦發輕颺方舟爭挂席盥漱登高艫朝霏已乍釋
余榜指匡廬南康在瞬息香爐冠羣峯五老記丹籍
願言從之遊復爾牽物役崇巒出飛泉仰視越咫尺
吐潤無窮時層霄懸練帛龍湫暨石梁縱覽憶疇昔
及茲憬靈奇四照湖光碧身行河漢間詎假生羽翼
咄彼夸父勞萬里騁人迹

出江遇風回泊土橋

江行及下春旅泊土橋塢村墟聚平沙烽堠偵極浦
夜漁罟未收移舟月方午驚颺觸寒濤水立馮夷舞

鶴靜堂集

卷之一 五言古詩

七

涉川戒不虞濡尾義無取中夜犯蛟宮榜人識如瞽
待曙且旋艫宛然舊林莽丈人披髮行忠信亦逞武
匏葉測淺深智者銘丹府

石門道中

甫息萬里遊胡然事奔走近修鄰境交三宿聚糧糗
進權越來溪迤邐陟靈阜歷覽亂雲烟微行徧郊藪
栖遲化人居束帶亦云偶緇素無雜賓達者爲吾友
興至發長謠忘憂恃尊酒遡旋春事徂孟夏當清晝
桑林枝尚柔麥隴雉方雊蕪沒女陽亭花飛蠶湖口

令名天下希詎卜千載後已知朝寄勞不若刈菰韭
東臯返敝廬紅藥開竟畝何以制頽齡娛情日鼓缶

送金天石遊山左

金子丘園秀超逸類冥鴻襟情橫八極凌厲扶桑東
讀書鄙章句謀道忘屢空雖復遭坎壈未始悲路窮
伊予金自出敢謂陽元同相與爲兄弟各在襁褓中
兒嬉執荊荻部勒效軍容稍長就外傳角藝當成童
方期展文陛聯步蓬萊宮風塵正瀕洞分手如飄蓬
行藏既異軌形影不相從濫吹積數載一麾守巖封

鶴靜堂集

卷之一

五言古詩

太

君枉千里駕來遊歷羣峯高談突星瀨對酒石門松
夙昔希退士心跡悔未融送君滄海畔予亦遂歸農
秉耒復垂釣敦樸保微躬榮名信鴆毒勿慕楚兩翼
乍聞遠行役飢驅何匆匆擊擿踰汶濟乘櫓陟東蒙
賢者勤吏職西嚮舍蓋公况有盧敖侶行李扶雙筇
夏木垂繁蔭長隴雄華蟲瀏覽富篇什吐詞鬱雲虹
去矣同懷子北望勞我衷

贈魏玉鳴明府

賢侯王鶴占昔年宰茲邑彈琴水鏡園雅彥嘗奔釋

鶴靜堂集

厥後有婁公長厚寬民力逋租旦暮清四墊安衽席
老幼多去思二公政誰匹非無勤爾絲徒然困吏職
亦有下中材不辨阡與陌如何四五年乳虎交相迫
人牧無霽顏嚴威勝交戟借叢不復還私室盈金帛
綠幘動成羣觀者同白額生民無完膚此輩五鼎食
天道當陽回堅冰亦乍釋除目識公名舊時推惻惻
惠行荔浦涯威標銅柱側我侯甫入疆治爲江表式
黠吏不敢譁屏氓不再匿儒生三木餘乃復賜顏色
伊余守山城家賦無違武史胥銖兩訛奪我二千石

鶴靜堂集

卷之一

五言古詩

七

拂衣返敝廬七載甘沈抑匪戀蕁與菰養拙固所適
我侯至西郊褰裳迎畫鷁悱惻軫窮黎立談見胸臆
人投慈母懷悉解舊微纆勉勸三農何者憂荒棘
所以今年租廩賡早克塞前人有庾桑茲乃踰疇昔
幸出湯火中敢忘更生德躋堂頌我侯膏雨古郇伯
載賡鳴鳩篇壽考信無斁

柬沈雪峯

美人居蘆漪懷寶甘落竭來依空桑塊然處北郭
屯霧闕春華驚飈蕩秋藿局戶養微疴觀書辨百藥

時作東武吟交遊謝宛洛攜手高陽徒霑醉恣談詭
勿戀七尺軀終焉飽獭豕求爲身後名所貴在天爵
賤子忝同懷茗粥有餘樂苦雨彌十旬念爾棲窮約
荒城烟火稀况乃空倉雀出入泥淖中徑渡須畧約
襟情良自寬卑濕未爲虐天道難具詳好言慰離索
坐聽林鳥鳴夕暉亦已薄我歸子雲亭君臥維摩閣
旦復讀君詩心迹雙寂寞陋彼宣驕子玉纓與朱襪
華屋槩層霄沈沈如夜壑

悼西臨弟

鶴靜堂集

卷之一 五言古詩

干

汝南吾族望遷吳從汴梁譜系同所自散居歌浦傍
鼎鼎百年內廬墓鬱相望余生苦孤露煢然鮮葢藏
厥考勤慰勞念之涕沾裳汝兄今何在三人皆天殤
伯仲亦鼂采才子爲壽王壽王歿五載遺文洵焯煌
吾弟顧我泣父死逾十霜阡遠不克葬殯宮倚壞墻
况乃丁喪亂獨身嗣烝嘗耕鋤復還讀扣角聲悲涼
我適遠行役經年返故鄉遲弟久不至羸疾臥東岡
歲暮盛冰雪世父來徬徨謂弟終不起病已入膏肓
聊復具藥物宵燭異末光吾子檢衣笥禦寒加薄裳

人日聞汝訃春筵罷酒漿世父復來止慟哭難禁當
吾弟聽吾札臨絕多慨慷父歿莖無力毋塚虛北邙
三兄已長逝寡鵠盈閨房哀哉紅顏婦稚子始扶床

地震

戊申六月中既望越翼日大地忽震驚滿下甫三商
聲若鳴天雷勢疑轉鰲極民人動如爛股戰不得息
櫪馬皆崩騰街衢譟終夕夏畦蹶然興誰復帖衽席
墊夫棲舊山散帙至昏黑獨酌且長謠酣臥無反側
旦起聽民訛杞憂方悱惻微聞十旬來經天見太白

鶴靜堂集

卷之一 五言古詩

三

至尊省咎徵求言寵切直嗟予艸莽臣未竭股肱
力疚哉子牟心安能徒憫默

舊郡丞楊無聲來松作畫見詒賦謝

司馬昔佐郡清風被南疆心顏在霞外晨夕理縹緲
薄征得下考去位固徜徉閩越方用武未嘗歸故鄉
回策邯鄲道牽舟笠澤徬重來過吾里歲序多悲涼
白鴈亦已至深林隕繁霜湖海志寥廓長歌何慨慷
詒我齊紈素含毫繪微茫雲木信蔥蒨晴巒亦蒼蒼
披美復何在蒹葭水一方披圖浩無際紫烟出草堂

小山賦招隱謂余慎行藏終期遊五岳雅尚安可忘
寒夜飲董閭石齋沈醉而歸因以自嘲

積水盈四衢言赴江都約座中四五人顧盼皆英偉
主人兄弟賢愛客善諸謔周生本不羈忽爾過三爵
惛惛弄明瓊鹵莽呼鑿落華燈吐焰微霜月逗簾箔
夜分客未散都覺颺裘薄屣屣下階來一醉忘酬酢
空負拍浮名不復勝盃酌豈意僕射酒竟類羊公鶴
春霽集趙雙白蓴廬時其同鄉漳浦何蓮祖明
經廬子敏文學在坐

鶴靜堂集

卷之一 五言古詩

五

城南有一士生長從炎方丹嶠萃瓌瑋夙齡挺圭璋
萬里動烟駕來遊勾吳鄉愛此秋蕪潔卜居谷水陽
谷川信演迤峯樹多青蒼左依紺園趾壯觀矚大荒
樓雉豁氛靄西疇匝金塘既考幽人室言敞君子堂
春旦當初旭物候誠悅康斑鹿藉新卉文禽展圓吭
竹徑含空翠梅林非一番今日斗酒會爲歡殊未央
復有閩越秀連衽涉我疆樂羣靡遠近存往皆慨慷
海孺兵未戢士著各雲翔如彼朔風厲天末求稻粱
旅人敬愛客一飲三月糧或疑召六甲行厨羅酒漿

荔枝與都蔗路遠亦得將主賓悉善賦雜組五文章
聽儂歌白紵和曲聲琅琅人生且行樂富貴安可常
咄哉幔亭讌千年飛羽觴

同雪峯看六益園梅帶三攜其仲子嘉樹來偕
飲卽事

步出北郭門訪我祇園友西偏梅花林喜爲季重有
相攜往問之剖蓐亦云久春雨濯柔莢落英積已厚
今旦小山青初暘射松牖敷坐磐石間清芬餘八九
主人自外來呼童亟貰酒不須烹匹雛聊復剪新韭
鶴靜堂集

卷之一 五言古詩

五

閒居張長公行樂惟恐後卯飲方解醒突來傾大斗
吾讀仲子詩愛之不釋手文采謝後賢自歎成老醜
酒酣仰高天白日能駐否莫問街鼓鳴狂歌且擊缶
次雪峯蕭寺補壁詩元韻

鮮民亦孔哀淒其握冰霰晨昏攀柏號自謂一處欠
天道或嘗訛未見恒福善君少攜妍詞作者多焚硯
昂藏千里駒翕輦巖下電適逢陽九災山岳爲驚眩
先公殉國身蒲首無含歛徒聞夜猿吟不聽春鶯囀
艱危蹈海行寂寞沈湘怨歸披紫伽黎日中聊一飯

空華故里開迸水荒堦濺雖謝漢官儀耻學秦士賤
苦病類維摩時借醫王砭陋彼薄俗人頗將鼠璞銜
千年花氏宮馴鴿乳紺殿况乃禪房幽支牀龜甲變
板扉半已摧漏痕密如線飄風天際來鐵瓦誰爲繕
衲衣補未完塗斲力尤倦頗嫌網紙疎葭墻障一面
數筵西方書餘者皆詩卷量腹進松芝儉歲良充瞻
嵩山壁有無立雪待後彦

大風雨後集張夢匪含清堂

夏月方愜哀胡然凜秋肅屏翳揚其威天畢肆鴟毒

鶴靜堂集

卷之一 五言古詩

三

林巖摧喬柯蛟龍戲平陸萬戶突不黔但見昔耶綠
靡茲昏墊憂來往絕鄰局且停袁紹杯佇俟東扶旭
詰旦啓微暉客至皆不速言登君子堂儼入幽蘭谷
庭鷺泫露晞人柳眠已足沉李出金盤割鮮肪如玉
綺牖餘涼生素屏列坐曲翟扇不再揮永統怯單服
造次無恒言彤管悉可錄清音寄風詩何必篋與筑
盡蠲禮飲煩家釀傾醺醪主人賦無歸行復繼華燭

懷閔山紆由盧龍令擢職方

念我同懷子疇昔聚一堂校文炳純繡講道協珪璋

豈知人代異跡爲參與商維彼瑯琊氏朝夕守東岡
或歛衰鳳翮行歌學楚狂予鼓腹下毳決起及榆枋
嘗恐虞機發頽然早摧藏伊人美無度獨處懷馨香
秋駕不輕邁動與浮雲翔爰值丘園賁三輔求循良
言弭白檀節作牧潞川旁康功聿敷奏擢拜尚書郎
夏官掌邦政樞要歸職方六師靡不統五大鮮在疆
枚寧屈萬國無庸缺斧斨葵貢通西旅雉琛來越裳
蔚哉佐文德放馬華山陽

立秋後三日集研銘園居分韻得木字

鶴靜堂集

卷之一 五言古詩

三

窪林在郊藪十畝翳桑竹芙蓉溢陂塘黃鳥鳴灌木
是謂哲士居悠然數椽屋堦前惡艸鉏廡下驚麋宿
衡門晝常扃道書聊寓目徂暑忽云秋雲物如新沐
息蔭招遠風橫襟散暄燠相逢皆酒人裸飲亦可續
玉醴發新醅瓠脯薦嘉菽博塞靡不爲嘲謔頻往復
我非蜀子陽不好飾邊幅本乏逢世姿微尚絕干祿
埋照有沈幾獨醒殆非福

題蔡九霞述乃考忠襄公殉難詩後

友人蔡仲子示我一編詩耿耿揚先烈忠貞百世師